



Број: 01/5-50-3-55/22

Сарајево, 9. 3. 2022.

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2021. GODINI**

Sarajevo, mart 2022. godine

SADRŽAJ

POGLAVLJE I. UVODNI DIO	3
Tabela 1. Pregled sjednica Komisije s tačkama dnevnog reda	4
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti.....	5
Odjeljak B. Izvještaji o radu.....	5
Odjeljak C. Imenovanja.....	5
Odjeljak D. Aktivnosti u vezi s razmatranjem i usvajanjem ostalih akata.....	6
Odjeljak E. Međunarodna saradnja, seminari, konferencije i radni sastanci	7
POGLAVLJE III. REZIME	7

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19 i 26/20), u skladu s Uputstvom o metodologiji izrade izvještaja o radu komisija Parlamentarne skupštine BiH (broj: 01,02-02-4-574-1/13 od 10. 4. 2014) i zaključkom Predstavničkog doma (broj: 01-50-1-15-15/15 od 22. 7. 2015), Komisija za saobraćaj i komunikacije Predstavničkog doma Parlamentarne skupštine Bosne i Hercegovine podnosi Predstavničkom domu Parlamentarne skupštine Bosne i Hercegovine sljedeći

Izvještaj
o radu Komisije za saobraćaj i komunikacije Predstavničkog doma u 2021. godini

POGLAVLJE I. UVODNI DIO

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 48. Poslovnika Predstavničkog doma prema kojem Komisija razmatra pitanja koja se odnose na: putne isprave, uspostavljanje i funkcioniranje zajedničkih i međunarodnih komunikacija, reguliranje međunarodnog i međuentitetskog saobraćaja, civilno zrakoplovstvo, informaciono-komunikacione tehnologije i druga pitanja iz oblasti saobraćaja i komunikacija.

Predsjedavajući Komisije je Nenad Nešić, prvi zamjenik predsjedavajućeg je Nermin Mandra, a drugi zamjenik je Predrag Kožul. Ostali članovi Komisije su: Branislav Borenović, Vlatko Glavaš, Predrag Kojović, Mirsad Kukić, Edin Mušić i Sanja Vulić.

Sekretar Komisije je Ahmed Jalovičić.

Komisija je obavljala poslove iz svoje nadležnosti, u skladu s Planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala šest sjednica, s ukupno 24 tačke dnevnog reda, u okviru kojih je usvojila jedan zaključak.

Prosijek prisustva članova Komisije sjednicama Komisije je 65%, a sjednice su u prosjeku trajale 27,5 minuta.

Tabela 1. Pregled sjednica Komisije s tačkama dnevnog reda

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Komisije (%)
8. sjednica 2. 2. 2021.	6	67
9. sjednica 27. 4. 2021.	4	78
10. sjednica 20. 5. 2021.	3	56
11. sjednica 14. 6. 2021.	3	56
12. sjednica 6. 7. 2021.	5	78
13. sjednica 14. 12. 2021.	3	56
Ukupan broj sjednica: šest	Ukupan broj razmatranih tačaka: 24	Prosječno prisustvo: 65 %

POGLAVLJE II. IZVJEŠTAJ O AKTIVNOSTIMA KOMISIJE

U izvještajnom periodu Komisija je održala šest sjednica.

Na šest održanih sjednica Komisija je razmatrala jedan prijedlog zakona, četiri poslaničke inicijative, četiri izvještaja o radu institucija iz nadležnosti Komisije, kao i druge akte iz svoje nadležnosti.

Na 8. sjednici Komisije, održanoj 2. 2. 2021, usvojen je Izvještaj o radu Komisije za 2020. godinu i Orijentacioni radni plan Komisije za 2021. godinu.

U izvještajnom periodu nije bilo putovanja u organizaciji Komisije.

Odjeljak A. Zakonodavne aktivnosti

Komisija je u 2021. godini razmatrala jedan prijedlog zakona, i to:

Prijedlog zakona o dopuni Zakona o osnovama sigurnosti saobraćaja na putevima u Bosni i Hercegovini, predlagач: poslanik Damir Arnaut.

Komisija je u prvoj komisijskoj fazi podržala principe Prijedloga zakona o dopuni Zakona o osnovama sigurnosti saobraćaja na putevima u Bosni i Hercegovini.

Odjeljak B. Izvještaji o radu

U izvještajnom periodu Komisija je razmatrala izvještaje o radu institucija Bosne i Hercegovine za koje je nadležna, i to:

1. Izvještaj o radu Državne regulatorne komisije za električnu energiju za 2020. godinu;
2. Izvještaj o radu i finansijski izvještaj Agencije za poštanski saobraćaj BiH za 2020. godinu;
3. Izvještaj o radu i poslovanju BHRT-a za 2020. godinu, Programski plan i Finansijski plan BHRT-a za 2021. godinu;
4. Izvještaj o radu Vijeća ministara BiH za 2020. godinu, u dijelu koji se odnosi na aktivnosti iz djelokruga Ministarstva komunikacija i prometa BiH.

Odjeljak C. Imenovanja

U izvještajnom periodu Komisija je razmatrala sljedeća imenovanja iz svoje nadležnosti:

Rang-liste kandidata za članove Upravnog odbora Javnog radiotelevizijskog servisa Bosne i Hercegovine iz bošnjačkog, hrvatskog i srpskog naroda, te iz reda ostalih.

Odjeljak D. Aktivnosti u vezi s razmatranjem i usvajanjem ostalih akata

Komisija je u okviru svoje nadležnosti razmatrala sljedeće akte:

1. Poslaničku inicijativu Predraga Kojovića, Aide Baručije, Mirjane Marinković-Lepić i Damira Arnauta kojom se zadužuje Vijeće ministara i nadležno Ministarstvo sigurnosti BiH da u roku od 30 dana uputi Prijedlog zakona o dopunama Zakona o komunikacijama kojim će se uvesti jedinstveni evropski broj za hitne situacije 112, koji predstavlja jedan od važnih elemenata efikasnog sistema zaštite i spašavanja;
2. Poslaničku inicijativu Edite Đapo kojom se zadužuje Vijeće ministara BiH i nadležno Ministarstvo komunikacija i prometa BiH da najkasnije u roku od tri mjeseca upute Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, u svrhu dopune predmetnog zakona prekršajnim odredbama u vezi s nasilničkim ponašanjem u saobraćaju;
3. Poslaničku inicijativu Šemsudina Dedića kojom se obavezuje Vijeće ministara BiH da, u skladu sa svojim nadležnostima, hitno preduzme aktivnosti prema Ministarstvu mora, prometa i infrastrukture Republike Hrvatske s ciljem izmjene i dopune Pravilnika o određivanju javnih cesta po kojima se mora odvijati tranzitni promet teretnih vozila kroz Republiku Hrvatsku (NN 51/2021 od 12. 5. 2021);
4. Poslaničku inicijativu poslanika iz Kluba SDA kojom se traži od Regulatorne agencije za komunikacije, Vijeća ministara BiH, Ministarstva komunikacija i prometa BiH i javnih RTV servisa da, u roku od 30 dana od usvajanja ove inicijative, provedu sljedeće i o tome obavijeste Predstavnički dom:
 - 1) Zaduju se Vijeće ministara BiH, Ministarstvo komunikacija i prometa BiH, Regulatorna agencija za komunikacije BiH i javni RTV servisi BHT i RTRS da, najkasnije do 20. jula 2021, odobre ulazak u MUX A svim komercijalnim TV-stanicama u digitalnim oblastima Banja Luka, Sarajevo i Mostar. Ovo se odnosi isključivo na TV-stanice kojima je RAK izdao nalog za gašenje analognih predajnika u BiH.
 - 2) Zaduje se Regulatorna agencija za komunikacije BiH da obustavi tendere za MUX C i MUX D, jer su u suprotnosti sa usvojenom Strategijom prelaska s analognog na digitalno emitiranje kojom je decidirano određeno da se oni mogu raspisati šest mjeseci nakon gašenja analognog signala.
 - 3) Zaduje se Ministarstvo komunikacija i prometa BiH da u najkraćem roku raspiše tender za drugu i treću fazu digitalizacije;
5. Finansijski plan Državne regulatorne komisije za električnu energiju za 2022. godinu;
6. Izvještaj sa sastanka Parlamentarnog plenuma Energetske zajednice (online sastanak), 9. 12. 2020,
7. Prijedlog izvještaja o radu Komisije za saobraćaj i komunikacije Predstavničkog doma u 2020. godini;
8. Prijedlog orijentacionog radnog plana Komisije za saobraćaj i komunikacije Predstavničkog doma za 2021. godinu.

Odjeljak E. Međunarodna saradnja, seminari, konferencije i radni sastanci

Član Komisije Nermin Mandra učestvovao je na prezentaciji o temi: „Realizacija Ugovora o Energetskoj zajednici i trenutno stanje u ispunjavanju obaveza od strane Bosne i Hercegovine“, koju je održao direktor Sekretarijata Energetske zajednice Janez Kopač putem online platforme Webex dana 26. 3. 2021.

Članovi Komisije Nenad Nešić i Sanja Vulić 20. 5. 2021. bili su u radnoj posjeti Radio-televiziji Bosne i Hercegovine (BHRT), gdje su održali sastanke s predstavnicima Upravnog odbora i menadžmenta BHRT-a.

Član Komisije Nermin Mandra učestvovao je na online sastanku s predstavnicima projekta Svjetske banke „Podrška energetskoj tranziciji u regijama uglja“, koji je održan 14. 7. 2021.

POGLAVLJE III. REZIME

Na osnovu navedenih aktivnosti, može se konstatirati da je Komisija u 2021. godini blagovremeno razmatrala sve materijale iz njene nadležnosti.

U domenu zakonodavne aktivnosti Komisija je u 2021. godini razmatrala jedan prijedlog zakona, čiji je predlagač poslanik iz Predstavničkog doma. Vijeće ministara BiH u izvještajnom periodu nije dostavilo u parlamentarnu proceduru nijedan prijedlog zakona iz nadležnosti Komisije.

Komisija je kontinuirano saradivala s Vijećem ministara BiH i resornim Ministarstvom komunikacija i prometa BiH, pa su pomoćnici ministra ili predstavnici Ministarstva prisustvovali sjednicama Komisije prilikom razmatranja Prijedloga zakona, poslaničkih inicijativa i akata iz nadležnosti Ministarstva komunikacija i prometa BiH.

**PRVI ZAMJENIK
PREDSJEDAVALJUĆEG KOMISIJE
Nermin Mandra**

Prilog: Tabela 2. Tabela prikaz prisustva članova sjednicama Komisije

Tabela 2. Tabelarni prikaz prisustva članova sjednicama Komisije

Ime i prezime člana Komisije	Broj sjednice i datum održavanja sjednice Komisije					
	8	9	10	11	12	13
	2. 2. 2021.	27. 4. 2021.	20. 5. 2021.	14. 6. 2021.	6. 7. 2021.	14. 12. 2021.
Nenad Nešić	+	+	+	+	+	-
Nermin Mandra	-	+	-	+	+	+
Predrag Kožul	+	+	+	+	+	+
Branislav Borenović	-	+	+	-	-	-
Vlatko Glavaš	+	+	-	+	+	+
Predrag Kojović	+	+	-	-	-	+
Mirsad Kukić	-	-	-	+	+	-
Edin Mušić	+	-	+	-	+	+
Sanja Vulić	+	+	+	-	+	-